

CUMINDA DI ANTES

Segun por a compronde tur loke tabata come antes tabata cuminda di tera, esta di nan mes luga. Nada importa, carne, cabrito, baca. Si un cunukero tabata tin bestia, ora cu e mata e bestia e tabata cambia cu esnan cu tabata tin berdura, fruta etc.

Nan tabata continuamente ocupa cu tanto cria di nan bestia, como den cunucu cuidando maishi, boonchi, batata dushi, patia, melon, pampoena y maishi grandi, calbas etc.

Di mainta tempran nan tabata lanta prome cu paranan pa asina nan por tira un bista ariba e maishi. Prome di sali

for di cas nan tabata desayuna mas o menos 5'or di marduga cu pan bati y lechi cayente y un reserva di pan bati pa ora solo subi banda di 10'or y cu stoma cumenza pido.

Merdia tabata sopi di bestia combina cu pampoena, tin biaha calbas stoba.

Anochi mas parti tabata ora di carni hasa den wea di hero, mayoria di biaha ta e mes pan bati tabata compaña tur esey.

Esnan menos afortuna tabata come tin biaha un bez pa dia cuminda cayente, sobra di biaha cu fruta den cunucu. Tambe tabata tin

pisca na cantidad, esun piscado cu no tabata kier a

come pisca tabata djiez cambia pisca cu otronan sea

pa fruta of carni, no tabata tin problema.



Esaki ta un "Tinashi" unda antes tabata warda awa aden.